

Kerweborsch sinn lusdische Brieder

Om Kerwesunndaach - dess Wetter war joo schee unn deshalb warn vill Leit unnerwegs - hawwe merr uns mettem Schorsch unn soim Kättche de Umzuch von de Kerweborsch oogeguckt – no ja, dess warn joo noch nit die Kerweborsch, es warn die Vize, also die, die erst nechstjohr Kerweborsch sinn.

Was wolle merr saache, die Buwe hawwe dess werklich gut gemacht. Wenn de die ge-sehe hosd, wie die im Oozuch und mett de Schärp doo marschirt sinn, alle Achtung, lauter feine Kerlcher, die hawwe uns richdich Spass gemacht.

Unn wie die Vize es wollte, sinn aach en Haufe Kinner mettgeloffe, also die, die in e paar Johr dann Kerweborsch soi solle - awwer merr waaß, was bis doohie iss.

Die Maskottcher, so zwaa Ente, hawwe se gottseidok im Käfig gelosse unn nit vornwegg marschiern losse, weil doo wär der Zuch so longsom gonge wie sunst de Fassenahtszuch. No ja, so e paar Lumpesommler sinn aach hinnenooch geloffe unn hawwe ab unn zu emol Hall die Gail gekrische, unn dess hätt nitt unbedingt soi misse.

De Schorsch unn ich hawwe gesacht, eigentlich misst de Musikverein emol besonnens gelobt wern, weil die doch bei so em Umzuch bei jedem Wetter mitmarschiern, unn wenn ooner von dene aach emol kronk iss, dann bläst der doch genau so fesde wie die onnern.

Unn weil uns de Umzuch so gut gefalle hott, sinn merr doodenooch ins Pfarrzentrum gonge zum Kaffeetrinke, merr muss joo die Vize e bisje unnerstitze. Unn als ich mir so e bisje versteckt die scheene Kerwemädcher oogeguckt habb, stumpt dess Kättche moi Fraa unn sacht: Knuff den emol - de Honnes guckt nooch die junge Mädcher. Doo sacht moi Fraa: Lossen gucke; der will aach immer noch emol uff de Kilimandscharo unn doo kimmder aach nimmi hie!

Weil merr dann om Moo noch e paar getrunke hawwe, hott de Schorsch unn ich uffem Hoomweech dann gesunge: Kerweborsch sinn lusdische Brieder ... Unn wie merr om Kreisel vorbei sinn, doo sehn merr, dass sogar de Rumpf-Ochs, der sunst immer nor in die Rabatte stiert, gelächelt hott - unn dess wars erstemol, seit ich den kenn. Awwer villeicht hotts aach nor su ausgeseh, weil sem doch en Bierkarton uff die Hörner gehängt hawwe.

Oons muss ich noch verzehele: Wie die Ehrenkerweborsch, de Parre Beuler unn de Beijemooster in de Kutsch vorbeigefahrn sinn, doo stumpt mich ooner unn saacht: Sind Sie von Flörsheim? Also wars en Auswärdiche, unn als ich genickt habb, moont der: Man merkt, dass die Flörsheimer sparen müssen. Ei warum dann?, habb ich gefroocht. Doo saacht der Monn: Ei sonst hätten die ne größere Kutsche genommen. Ich versteh ja, dass man die älteren Kerbeburschen nicht den weiten Weg mitlaufen lassen will, aber es hätt halt eine größere Kutsche sein müssen. Unn nochemol habb ich gefroocht: Ei warum dann? Unn doo saacht der Monn: Dann hätte man auch die Kerbemädchen von den beiden Altkerbeburschen mitfahren lassen können!

Eiern Honnes